

Vun driweriwer

erscheint auf www.lenauheim.de

monatliche
Erscheinung

April 2014

von Helen Alba

De Nachtwächter un sei Hund

De Vetter Sepp war vun Beruf aus Schuster. Es war mei Ota. Ich kann mich noch gut uf die Schuster-Singer-Nähmaschin erinnre, han de Ota awer nimi schustre gsiehn. Mit der Zeit ware sovill Schustre im Dorf, dass nit alli Arweit ghat han un sich annerschtwu Arweit han suche misse. Die Schustermaschin is an die „Cooperativa“ verkaaft gin. De Bode war voller Leescht, doch so leicht hat de Ota sich nit dervun trenne kenne. Erscht wie er nimmi war, sin die Leescht so staat un staat verbrennt gin.

Mei Ota war a Mitglied vun dere kommunistisch Partei. Nit dass er dervun ingsprengt gewenn wär, ganz im Gegenteel. Doch um sei Einkommen zu han un Arweit zu finne, hat er sich inschreiwe misse. Un dann war er johrelang Nachtwächter bei der Ferma. Hinerm Bahnhof, wu die Ställ ware, mit Schwein un Milchkieh. Jede Owet hat er sich ufs Bizikl gsitzt un is in sei Dienscht gfahr, morjets wieder zruckkumm. Newer de Ställ hats Nachtwächterheisl gstann. Summer wie Winter is er dort unergschluppt, wann er ke Rundgäng gemacht hat. Sei treie Begleiter war de Waldi, sei Hund. Ich kann mich nit erinnre, dass in seller Zeit was vorkumm wär. Gstohl is jedenfalls nix gin. Dass hinerwärts e Schwein oder Rind dran glaawe hat misse un die Scheefs sich des naner ufgeteelt han, des war e anri Sach. Mer hat halt gsaat, es Viech sei krepirt.

Dass die Oma nachts nit leenich is, han ich johrelang bei der Oma gschloft. Owets han mer Radio ghorcht un mitnaner verzählt. Nachberschleit sin maje kumm un mir sin ach maje gang. Wann ich schun fertich war for morjets in die Schul gehn, is de Ota hemkumm. Meischt war sei Bett ufgschlaa, dass er sich ausruhe soll. Doch immer war sovill zu tun, dass er sich nor noh em Mittachesse bissl rumgeleet hat. Do war ke Sunn-oder Feiertach, an dem de Nachtwächter un sei Hund nit ihre Dienscht verricht han!

Mer muss se halt verstehn!

Es is noch gar nit so lang her, do han ich in der Elektrisch e Gspräch zwischer zwaa Weiwer in de beschte Johre belauscht. Des eeni Weib betont, dass mer jo doch schun vun der Erziehung her gewohnt is, nie de Eltre zu widerspreche, grad wann se neinmolnein Unrecht han: „Mir is es nitemol in de Sinn kumm, es Gegenteil zu behaupte, wann mei Vater gsaat hät, de Schnee wär grien! Un drum muss ich ständich denke, was han mir falsch gemacht? Weil die heitich Jugend immer Recht han muss!“ Die anri Bäsl is der gleichi Meinung: „Ja gell! Heit misse die Eltre uf die Kinner horche! Un weh dene, die wu des nit tun! Dorte gits dann Krutzekriech!“

Ich han mer mei Teel derbei gedenkt, awer natierlich nix gsaat. Eensteels muss ich dene zwaa Weibslait schun recht gin. Unser Generation, die is halt anerscht wie die jetzich Jugend. Un es kann schun vorkomme, dass die junge Leit aa Recht han. Sie misse des nor ihre Eltre mit dere neimodisch Welt ekschpliziere. Un die, die misse schnappe, grad wann se villes nit bekeppe. Wie mir jung ware, do war des halts eenfacher. Do hat die Technik noch gschlummert, mir han newer em Strohowe gsitzt un sin nit mit der „Maus“ dorch die ganzi Welt gerast. Mir wisse vill, doch a unser Kinner wisse vill. Un wann mer des Villi mitm Ville zammbringt un dischkuriert – ich men, do muss mer schun nit uf die Kiner horche, mer muss se halt verstehn!